

UGOVOR

za nabavku usluga osiguranja službenih motornih vozila

zaključen između:

USTAVNI SUD BOSNE I HERCEGOVINE, Reisa Džemaludina Čauševića 6, Sarajevo, koga zastupa predsjednik Ustavnog suda BiH, Zlatko M. Knežević, (u daljem tekstu: Osiguranik)

i

SARAJEVO-OSIGURANJE DD SARAJEVO, Maršala Tita br. 29, Sarajevo, koga zastupa Arif Kulić, direktor (u daljem tekstu: Osiguravač)

Član 1.

Predmet ovog ugovora je osiguranje službenih motornih vozila od automobilske odgovornosti (AO) i auto-kasko (AK) prema definisanim uslovima iz tenderske dokumentacije broj SU-08-1051-4/19 od 22. novembra 2019. godine i prema sadržaju ponude broj 01-5807/19 od 2. decembra 2019. godine sa kojom je Osiguravač učestvovao u provedenom postupku konkurentskog zahtjeva za dostavljanje ponuda.

Član 2.

Obaveze ugovornih strana regulisane su uvjetima koji su sastavni dio ovog ugovora i to:

- 1) Uslovi osiguranja od automobilske odgovornosti,
- 2) Uslovi za kasko osiguranje motornih vozila.

Član 3.

Osiguranik će prema svojim potrebama ugovarati vrste osiguranja za vrijeme trajanja ovog ugovora.

Za prihvaćene vrste osiguranja ispostavljaće se police osiguranja prema ponudi iz člana 1. ovog ugovora.

Policama osiguranja se ugovaraju: početak i prestanak trajanja osiguranja, predmeti osiguranja te ostale odredbe koje se odnose na prava i obaveze ugovornih strana u toj vrsti osiguranja.

Član 4.

Ugovor se zaključuje na određeno vrijeme, za period trajanja osiguranja od 12 mjeseci od dana potpisivanja ugovora.

Član 5.

Sveukupna premija osiguranja od automobilske odgovornosti (AO) i premija za AUTOKASKO (AK) iznosi 3.924,30 KM.

Pojedinačne premije AO i AK iznose:

a) Za vozilo Audi A6 3.0 TDI quattro	1.586,00 KM
b) Za vozilo VOLKSWAGEN PASSAT B8 2.0 TDI 4motion CL	1.305,60 KM
c) Za vozilo Škoda Octavia Style 2.0 TDI	1.032,70 KM

Premija osiguranja od automobilske odgovornosti (AO) i premija za AUTOKASKO (AK) će biti plaćene u cjelosti nakon ispostavljanja polica osiguranja i prijema računa.

Član 6.

Osiguranik će račune ovjerene od strane Osiguravača za usluge osiguranja platiti posredstvom jedinstvenog računa budžetskih institucija Bosne i Hercegovine, putem Ministarstva finansija i trezora BiH. Faktura će se proslijediti na plaćanje odmah, a najkasnije u roku od 30 dana po prijemu bez primjedbi.

Osiguravač je saglasan da Osiguraniku neće zaračunavati kamate za zakašnjenje prilikom plaćanja preko Trezora, ako je Osiguranik u gore ugovorenom roku predao nalog za plaćanje Trezoru BiH.

Član 7.

Kada se dogodi osigurani slučaj, Osiguravač je dužan isplatiti naknadu iz osiguranja najkasnije u roku od 7 dana od dana kompletiranja dokumentacije.

Član 8.

Osiguravač se obavezuje da će čuvati tajnost podataka Osiguranika koji mu budu prezentirani prilikom ocjene i revizije rizika, prilikom zaključivanja polica osiguranja, rješavanja odštetnih zahtjeva kao i tajnost podataka koji budu uneseni u police osiguranja i njihove priloge.

Član 9.

Sastavni dio ovog ugovora osim ponude navedene u članu 1. čine:

- uslovi osiguranja od automobilske odgovornosti,
- uslovi za kasko osiguranje motornih vozila,
- police osiguranja.

Član 10.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u BiH.

Član 11.

Sve eventualne sporove ugovorene strane će nastojati riješiti sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 12.

Ovaj ugovor stupa na snagu danom potpisivanja od strane ovlaštenih lica ugovornih strana.

Član 13.

Ovaj ugovor je sačinjen u četiri (4) istovjetna primjerka od kojih svaka strana zadržava po dva (2) primjerka.

Za Osiguravača

Arif Kulic

Direktor

Za Osiguranika

Zlatko M. Knežević

Predsjednik
Ustavnog suda Bosne i Hercegovine

Broj:

Datum:

Broj: SU-08-1051-11/19

Datum: 9. decembar 2019. godine